



TOSHKENT DAVLAT YURIDIK UNIVERSITETI REKTORINING B U Y R U G ' I

01.02.2023

49-tm-son

Talabani kursdan-kursga o'tkazish haqida

O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizom, Toshkent davlat yuridik universitetida o'qitishning modul tizimi sharoitlarida talabalar bilimni nazorat qilish tartibi va baholash mezonlari to'g'risidagi nizom (ro'yxat raqami 2780, 2016-yil 22-aprel)ga asosan hamda O'zbekiston Respublikasi davlat oliy ta'lim muassasalariga o'qishga qabul qilish jarayonlarini muvofiqlashtirish bo'yicha Davlat komissiyasining 2023-yil 12-yanvardagi 12-son bayoni (№01-07/1-1557) ijrosini ta'minlash maqsadida,

B U Y U R A M A N:

1. Toshkent davlat yuridik universiteti Davlat-huquqiy faoliyat yo'nalishi 2-kurs talabasi (keyingi o'rinlarda – talaba) Baxtiyarova Maftunaxon Doniyor qizi istisno tariqasida akademik qarzdor sifatida 3-kursga o'tkazilsin hamda akademik qarzdor sifatida qayd etilgan fanlarni 2022/2023 o'quv yili bahorgi semestrndan alohida jadval asosida eksternat tartibda topshirishi belgilansin.

2. O'quv-uslubiy boshqarma (Registrator ofisi) (S.Bozarov):

talabaga oid akademik qarzdor sifatida aniqlangan fanlar (keyingi o'rinlarda – akademik qarzdor fanlar) ro'yhatini ishlab chiqib, tasdiqlatsin;

talaba tomonidan akademik qarzdor fanlarni 2022/2023 o'quv yili bahorgi semestri mobaynida 100 ballik tizim asosida yozma ish shaklida topshirilishini tashkillashtirsin;

talabaga oid ma'lumotlarni elektron ta'lim platforma (keyingi o'rinlarda – platforma)ga o'z vaqtida kiritish hamda o'zgartirish choralari ko'rsin;

talabaga oid akademik qarzdor fanlarni talabaning platformadagi shaxsiy profiliga biriktirish ishlarini tashkil etsin.

3. Ommaviy huquq fakulteti dekani (Sh.Saydullayev):

talaba uchun akademik qarzдор fanlarini mustaqil o'zlashtirishi yuzasidan fanlar bo'yicha tegishli kafedralar tomonidan jadval asosida konsultatsiyalar o'tkazilishini tashkil etsin;

ushbu buyruq bilan kursdan kursga o'tkazilgan talabani tanishtirsin va unga tushuntirish bersin;

mazkur buyruq nusxasi talabaning shaxsiy yig'majildiga tikilishini ta'minlasin.

4. Talaba belgilangan muddatda akademik qarzдорlikni bartaraf etmagan yoki akademik qarzдор fan (lar)dan qoniqarsiz baho olgan holatda akademik qarzдор fan (lar)ni keyingi semestrlar mobaynida o'zlashtirilmagan kreditlar miqdoriga mos ravishda to'lovni amalga oshirgandan so'ng qayta o'qish huquqiga egaligi qayd etilsin.

5. Mazkur buyruq ijrosining nazorati o'quv ishlari bo'yicha prorektor – TDYU qoshidagi akademik litsey direktori I.Rustambekov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

S.BOZAROV



Kelishildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



yuriskonsult

D.ALIBOYEV

